



memoria 2020

Presentación

Un ano máis tentamos nesta Memoria deixar evidencia dos nosos resultados máis recentes. Un ano para todos moi duro polo especial do mesmo e por ter que afrontar problemas aos que non sabíamos, a priori, dar resposta. A necesidade de improvisación diaria foi un dos grandes retos para conseguir estabilizar a ansiedade que provocaba nos nenos estar todo o día en casa sen poder saír, ter moi reducidas as visitas dos seus familiares, sentirse sós..., cambiar todos os horarios tanto da casa como dos educadores para poder dar resposta a todas as necesidades que diariamente ían xurdindo... Os deberes e tentar aproveitar o curso escolar, a pesar de todo, era outro gran reto. Pois ben, cremos que o conseguimos. O nivel de conflito nas casas foi mínimo, a implicación dos nenos e nenas foi moi grande, por suposto tamén de todo o persoal que estivo activo, dando moito máis do que sería esixible. Os resultados escolares foron Moi Bos. Evidentemente, os nenos e nenas, como todos, perderon en socialización, o que tentamos compensar con presenza e atención individualizada dos educadores, e iso permitiunos poder atallar déficits escolares que na modalidade presencial antóllanse máis difíciles. Aprendemos todos, polo camiño, aos tombos, as novas ferramentas informáticas. As nosas casas convertíanse, nalgúns momentos do día, en lugares onde as computadoradoras aparecían por todas as esquinas, nalgúns ocasións ata sete ao mesmo tempo. As clases por vídeo chamada obrigaron a facer estudos no máis recóndito. A terraza foi unha gran protagonista dos días ás oito da tarde, onde, xunto aos veciños, aplaudíamos e facíamos unha festa dese momento. Os móbiles convertéronse en aliados dos adolescentes para poder

establecer relacións cos seus iguais, ao mesmo tempo que en ocasións convertíanse en produto de conflito á hora de apagar. Non quixese ter que pasar outra vez por ese momento pero, de facer un balance, diríamos que, a pesar de todo, foi Positivo.

Ao longo do ano iniciamos ou deseñamos novos programas que tentan mellorar a vida dos nenos e nenas, e axilizar os seus tempos de saída. Fortalecemos as relacións con outras entidades como a Asociación de Familias Adoptivas e Acolledoras Manaia, as Casas de Familia Santa Joaquina de Vedruna e Laura Vicuña, coas que compartimos os programas de Acompañamento a Familias e o novo proxecto para proporcionar Familias de Referencia, iniciado en 2021. Creemos que ese é o camiño a seguir, traballar en rede e ir creando novos programas que acheguen melloras aos nenos, ás nenas e ás súas familias.

O programa Contigo, fíxose este ano máis necesario que nunca tendo que axudar a máis persoas que saíran das nosas casas, incrementándose os recursos achegados a tal fin. Por suposto que seguimos contando con todos os colaboradores próximos a FAIBEN, que nos dades forza e acompañades nos momentos duros; non soamente a axuda económica, tan necesaria, senón os momentos de alento e compañía cando podemos decaer. GRAZAS, tentaremos ao longo deste 2021 seguir merecendo o voso apoio.

Ángel Martínez Puente
Director da Fundación Faiben

Quen somos

A organización

Faiben Fundación de Apoio á Infancia e ao Benestar é unha entidade privada sen ánimo de lucro declarada de interese galego que nace en maio de 2008, da man de diversos profesionais de ampla experiencia no ámbito da protección da infancia en Galicia, co obxectivo de constituírse na fundación galega de referencia no sector.

Faiben defínese como unha entidade firme e reivindicativa, comprometida coa infancia e a adolescencia en situación de risco e desprotección desde a incondicionalidade e cunha visión de xustiza social.

Faiben conta con tres Casas de Familia (dúas en Vigo e unha en Ribeira) desde as que, a través dun modelo de convivencia familiar e normalizado, se traballa polo dereito dos nenos, nenas e adolescentes a ser membros dunha familia que lles proporcione afecto, seguridade e estabilidade.

Ademais, promove outros programas e servizos que apoien e acompañen os procesos dos nenos, nenas e adolescentes na construción dos seus propios proxectos de vida.

Os equipos

O Padroado, que vela pola estratexia da organización, está formado por 12 profesionais independentes de diversos ámbitos:

Lourdes Martínez Lage (Presidenta), Ramón García Seara (Secretario), Carlos Suárez Díaz (Tesoureiro), Juan L. Medín Roca, Juan M. Martínez Puente, Ángeles Suárez Muñiz, Iago Seara Morales, Julio Iglesias Vilariño, Alejandro Rubín Carballo, Enrique Martínez Reguera, Carmen Zamora Castro e Alberto González-Abraldes.

“o equipo de Faiben contou con 28 profesionais en 2020

Dirixe a entidade Ángel Martínez Puente e o equipo coordinador está formado ademais polo Responsable de Xestión, as Directoras das Casas de Familia, a Responsable do PAF e o Responsable do Servizo Xurídico.

Pola súa parte, os distintos programas, contaron con equipos educativos formados por profesionais de diferentes eidos (psicoloxía, pedagogía, educación social, traballo social, etc.) que se distinguen polo seu compromiso na procura de solucións para os nenos e as nenas e a súa implicación cos valores de Faiben. Unha das características que distingue a este equipo é a estabilidade, cun promedio de dedicación por riba dos nove anos por persoa e con profesionais que levan desenvolvendo a súa labor desde hai máis de 25 anos.

Organigrama



Que facemos

Casas de Familia

As Casas de Familia son un recurso residencial para aqueles nenos, nenas e adolescentes en situación de risco ou desamparo que precisan dunha medida de protección por parte da Administración pública, que asume a súa garda ou tutela.

Trátase de vivendas normalizadas, plenamente integradas na comunidade, onde conviven 8 nenos e nenas (de idades entre 0 a 18 anos) cun equipo de entre 5 e 6 educadores, intentando reproducir un modelo familiar que poña en valor a relación persoal con cada neno, nena e adolescente como única, valiosa e duradeira e onde os nenos, ademais de ter un referente adulto estable, atopan un clima de protección afectivo e seguro.

O obxectivo da intervención desde as Casas de Familia de Faiben é contribuír a acadar solucións estables e protectoras para os nenos e nenas, polo que se traballa tamén directamente coas familias, en rede con outros axentes sociais, a fin de que a súa estancia sexa unicamente a necesaria e se atope canto antes unha solución familiar definitiva.

Faiben conta con tres casas de familia (dúas en Vigo e unha en Ribeira), nas que residiron 33 nenos, nenas e adolescentes no 2020.

Cada casa conta con 8 prazas residenciais que rexistraron unha ocupación media do 99,27%.

A Casa de Ribeira conta, ademais, con dúas prazas para a atención de día de aqueles nenos e nenas con medidas de apoio familiar. Estas prazas rexistraron unha ocupación media do 24,75%, dato condicionado pola incidencia da pandemia e a paralización de altas nas prazas de día.



33 nenos e nenas

atendidos no 2020



2 anos e 9 meses

de promedio de permanencia na casa



131 nenos e nenas

atendidos desde 2008

*na Casa de Familia de Rosalía antes de 2008 foron atendidos 50
nenas e nenos máis, para un total de 181.



99,27% de ocupación media

A intervención desde as Casas de Familia

Desde as Casas realízanse intervencións socioeducativas personalizadas con cada neno, nena ou adolescente que abarcan, de forma integral, dous grandes bloques de obxectivos: dun lado, os relacionados co desenvolvemento persoal e, doutro, os relacionados coa integración social.

O documento técnico que ten como función facilitar e canalizar esa atención individualizada é o Proxecto Educativo Individualizado (PEI).

As intervencións céntranse na estimulación e apoio ao desenvolvemento das capacidades físicas, psíquicas, cognitivas e sociais; no apoio emocional; na formación e adestramento en habilidades, actitudes e destrezas persoais e sociais... con especial relevancia para:

- O apoio psicosocial, con atención aos conflitos psicolóxicos dos nenos e nenas que interfiran a estruturación da súa personalidade, o seu proceso madurativo ou a súa capacidade de socialización.
- A intervención coas familias, co fin de proporcionarlles pautas de crianza e de atención adecuada adaptadas a cada situación concreta.
- A promoción da autonomía persoal progresiva, potenciando a participación, a asunción de responsabilidades e o desempeño eficaz en contextos grupais e sociais.

Tempos de estancia

Considerando os 33 nenos e nenas residentes nalgún momento do 2020, o tempo medio de estancia é de 2 anos, 9 meses e 19 días.

Sen embargo, se consideramos unicamente as baixas producidas no ano, o tempo descende ata 1 ano, 9 meses e 10 días.

Más aló dos tempos concretos, esta variación ven indicar unha tendencia na redución dos tempos e unha mellora, por tanto, na efectividade que se supón para as medidas de protección que, non debemos esquecer, deben ser o máis limitadas no tempo que sexa posible.

Satisfacción

Os axentes participantes no programa amosaron altos niveis de satisfacción co mesmo, destacando:

- Por parte dos equipos educativos (cunha satisfacción do 80%), a orientación ás necesidades dos nenos e nenas.
- Por parte dos nenos e nenas (83%), un ano máis, valorando o apoio dos educadores e educadoras ás súas familias.
- Polos ETM (50%), a profesionalidade das persoas traballadoras de Faiben e a seguridade das instalacións.
- E polos centros educativos (99%), destacando a empatía, capacidade de resposta, seguridade e fiabilidade.


que facemos

Perfil dos nenos e nenas

Dos 33 nenos e nenas atendidos, o 61% foron nenos e o 39% nenas, 31 en praza residencial (o 94%) e 2 en praza de día (6%).

O 30% teñen necesidades de apoio educativo e o 55% precisan de algún tipo de terapia ou apoio psicolóxico.


No referente ás idades, o 79% dos nenos e nenas tiñan entre 7 e 18 anos, como corresponde a este tipo de recurso. No outro extremo, houbo tres nenos menores de 3 anos (o 9% do total).



Perfil das familias

Polo que respecta ás familias, non existe un perfil definido nin para a composición nin para os ingresos familiares.


As tipoloxías familiares máis frecuentes son as de familias nucleares (parella e fillos) e extensa (constituída por varias xeracións: avós, netos, fillos, tíos, etc.).



En canto aos ingresos familiares, pode destacarse que o 46% das familias obtivéronos ben por ter un traballo cotizado ben por ter algunha pensión contributiva, fronte ao 42% que non tiñan ingresos ou os percibían de prestacións non contributivas, de integración social, traballo sen cotizar, etc. Do 12% restante descoñécese a procedencia.

Por último, cabe destacar que as familias presentan situacións multiproblemáticas, cuxa valoración conxunta é a que habitualmente motiva a intervención.

En concreto detéctanse falta de habilidades parentais ou a deficiente xestión emocional en máis do 65% das familias, sendo a falta de habilidades persoais ou os estilos educativos permisivos outros dos problemas destacados.



Altas e baixas

No 2020 producíronse 9 altas e 10 baixas, xa que con practicamente o 100% de ocupación mensual, as altas quedan condicionadas á existencia de prazas dispoñibles.

O 67% dos ingresos foron para prazas residenciais e delas, o 33% foron prazas denominadas especiais, destinadas a nenos, nenas ou adolescentes que, ou ben son menores de 3 anos, ou teñen unha discapacidade igual ou superior ao 50% ou ben requiren dunha atención especializada por outros motivos.

Non houbo ingresos para prazas de día como consecuencia das restricións derivadas da xestión da pandemia, que supuxeron a suspensión da actividade nese servizo.

Por tipos de praza		
	altas	baixas
prazas xerais	6	6
prazas especiais	3	2
prazas de día	0	2
prazas UPA	0	0
Total	9	10

que facemos

Situacións administrativas nas prazas residenciais

Do total dos nenos e nenas residentes nas Casas de Familia Faiben no 2020, o 64% (21 dos 33) ingresaron por tutela administrativa. O 36% restante o fixeron en virtude de garda voluntaria (8) ou provisional (4).

Considerando só as altas no 2020, a situación foi similar: a maioría, 7 das 9 altas (o 79%) ingresaron por tutelas, fronte ao 31% de gardas provisionais (2 casos).

Ao finalizar o ano, 16 dos 23 nenos e nenas acollidos a 31 de decembro, o 70%, están baixo tutela administrativa e 7 permanecen en garda (6 voluntarias e 1 provisional).

*Situación administrativas
iniciais (todos os residentes no 2020)*



● tutela ● garda prov ● garda vol ● apoio

*Situación administrativas
a 31/12/20*



● tutela ● garda prov ● garda vol

Motivos das baixas

As Casas de Familia, como lugares de paso, están orientadas a favorecer a saída dos nenos e nenas en condicións de protección e estabilidade, primando a permanencia na familia de orixe e o mantemento das relacións familiares sempre que sexa posible.

A previsión inicial soe ser, polo tanto, a de traballar pola reagrupación familiar o que, en sentido amplo (acumulando os regresos tanto á familia de orixe ou á familia extensa) produciuse no 33% das saídas.

Non consideramos a efectos estatísticos como saída (aínda que si como baixa) os casos de traslado a outro centro de acollemento (1 no 2020), pois están máis relacionados co tipo de recurso axeitado ás necesidades e características deses nenos, nenas ou adolescentes, que coa evolución da súa situación persoal ou familiar.


Polo tanto, exceptuando os traslados, as saídas foron:

- A reagrupación familiar, que se produciu en 2 dos casos. Supón o regreso dos nenos ou nenas á familia de orixe cando desaparecen ou se reducen as circunstancias que produciron o risco ou a desprotección ou ben cando alcanzan a maioría de idade e regresan
- O acollemento en familia extensa, que se produciu en 1 ocasión. Supón tamén unha reagrupación pero neste caso con outro tipo

de familiares (avós, tíos...) que asumen o coidado dos nenos ou nenas.

- O acollemento en familia allea, nun único caso. Esta saída, como a anterior, non supón en sentido estrito una “baixa” no sistema de protección, ao contrario, supuxo a continuidade da garda como medida temporal de protección nun recurso máis axeitado ás características e idade do neno ou nena.
- A adopción, en 1 caso.
- O acceso á maioría de idade, en 4 ocasións, das que 2 supuxeron efectivamente o acceso a unha vida independente e outras 2, a pesar de causar baixa no recurso, tiveron que regresan á familia de orixe, onde a inestabilidade e os riscos continúan.

Motivos das saídas acumulado 2008-2020



Acompañamento a Familias

O Programa de Acompañamento a Familias (PAF) nace en 2019 grazas á suma de esforzos de tres entidades, Laura Vicuña (en Caldas de Reis), Sta. Joaquina de Vedruna (en Vigo) e Faiben, como un recurso complementario destinado a mellorar a intervención realizada desde as súas Casas de Familia.

As Casas preséntase como un recurso protector para os nenos, nenas e adolescentes nas que se presta unha atención directa aos mesmos pero, si os condicionantes familiares que provocan a desprotección non cambian dun xeito substancial, a reintegración familiar estable e protectora non se pode producir.

O programa pretende, polo tanto, crear unha relación próxima e de acompañamento aos proxenitores, para acadar cambios na dinámica familiar, propiciando habilidades parentais que contribúan a lograr situacións familiares protectoras, en termos de seguridade e estabilidade.

Acompañamento a Familias			
Procedencia	Familias valoradas	Familias participantes	nenos e nenas
Casas de Familia Faiben	10	9	13
Casa de Familia Laura Vicuña	2	2	5
Casa de Familia Santa Joaquina de Vedruna	3	3	5
	15	14	23

Resultados

Foron valoradas un total de 15 familias como susceptibles de seren obxectivo do programa, das que finalmente 14 participaron no PAF

As intervencións centráronse, inicialmente, en acadar unha visión máis clarificadora e próxima das situacións familiares para facilitar o establecemento das liñas de actuación con cada familia. Posteriormente, e de forma consensuada coa propia familia e o ETM, elaboráronse os respectivos plans de traballo adaptados ás necesidades e características de cada unidade familiar.

O traballo coas familias incluíu tanto o acompañamento en procesos inclusivos (adequación das condicións económicas e da situación da vivenda, implicación nos procesos académicos, sanitarios e na participación social dos seus fillos/as...) como o apoio individualizado no desenvolvemento de habilidades (de relación coa contorna, para a xestión económica e doméstica, habilidades parentais...).

Para acadar os obxectivos e a inclusión social plena das familias é fundamental, en todo o proceso, a coordinación do PAF co Equipo Técnico do Menor, cos Servizos Sociais correspondentes e con outros recursos da contorna específicos (en temas de empregabilidade, incorporación laboral, formación...).

Programa Contigo

Os mozos e mozas acollidos nas nosas Casas de Familia enfróntanse a serias dificultades a partir da súa saída e especialmente cando, na maioría dos casos, cumprir 18 anos supón deixar o recurso de forma automática, sen consideración da existencia dunha familia, unha rede de apoio externa ou dos propios recursos para afrontar as dificultades do comezo dunha vida autónoma.

Emanciparse supón un gran reto no que é preciso poñer en valor todas as fortalezas e habilidades propias e resulta innegable que, no caso dos mozos e mozas ex tutelados, as historias persoais previas condicionan o proceso ata tal punto que os coloca nunha situación de extrema vulnerabilidade.

Buscar piso, formarse, acceder a un posto de traballo e mantelo, tramitar documentación, aprender a xestionar a propia economía, ter adultos de confianza cerca, velar por unha boa rede de amigos... son só algunhas das cuestións que deben resolver de forma autónoma e sen apoio.

Por elo, co obxectivo de garantir a estabilidade afectiva e económica dos nenos e nenas na súa saída ou posteriormente en outros procesos de máis longa duración, o Programa Contigo propón un acompañamento profesional, por parte dunha persoa de referencia para eles, que lles aporte apoio emocional, acompañamento na inserción laboral, no lecer,

nos estudos, na busca de vivenda e, en definitiva, na mellora das súas competencias e habilidades que lles axuden a evitar situacións de marxinalidade.

Este soporte técnico concrétese, en cada caso, nun plan de traballo individual que poida dar resposta ás demandas dos mozos e mozas, no que é habitual a derivación a outros servizos e proxectos específicos da rede de atención social. Coa fin de asegurar a coherencia do proceso é fundamental a coordinación con eses outros referentes profesionais da moza ou mozo.


Algúns exemplos dos apoios que se prestan desde o programa son:

- No ámbito persoal e familiar: asesoramento en crises familiares, problemas de convivencia cos pais ou acolledores, problemas psicolóxicos ou sociais...
- No legal: orientación en asuntos xudiciais, curatelas, emancipacións, tramitación de herdanzas, documentación...
- No ámbito residencial: apoio na busca de vivenda e mantemento da mesma.
- Ante dificultades económicas: prestación de fianzas e apoios puntuais para obter o carné de conducir, conseguir un aluguer, adquirir ferramentas de traballo...

que facemos

- E no ámbito formativo e laboral: axuda para a elaboración do currículo, na busca activa de emprego, asesoramento laboral...

Os apoios económicos no 2020 ascenderon a un total de 15.792,59 euros prestándose, en total, acompañamento a 62 mozas e mozos diferentes.



Formación a Familias

A parentalidade adoptiva ten unha serie de esixencias e retos que precisan dunha formación e motivación claras que permitan coñecer mellor as necesidades reais dos nenos e nenas que están á espera dunha familia e recoñecer as capacidades propias que precisan desenvolver os pais e nais.

Por iso, dende o ano 2014 a Fundación Faiben, en colaboración coa Xunta de Galicia, impulsa un programa de formación para familias que xa dispoñen do certificado de idoneidade para a adopción, tanto nacional como internacional.

O programa completo consta de oito sesións repartidas nun período de dous anos. A formación é gratuíta e as familias poden iniciar a formación en calquera momento do ano natural.

Aínda que a formación non é obrigatoria, a experiencia e as opinións das familias participantes defínena como altamente recomendable para axustar expectativas, o que lles permite facer un ofrecemento máis consciente e realista que favoreza procesos máis eficaces e seguros, minimizando os riscos de abandono posterior.

No 2020 a Formación a Familias que se ofrecen para a adopción viuse afectada polas restricións derivadas da pandemia do COVID19, de tal xeito que tiveron que cancelarse as actuacións previstas, sen marxe para a busca de alternativas.

Con todo e dado que esta formación resulta prioritaria para Faiben, está previsto retomala de xeito presencial ou telemático, en función da evolución da situación sanitaria, á maior brevidade posible.

que facemos

Departamento Xurídico

Se 2019 foi o ano da posta en funcionamento do departamento xurídico, 2020 supuxo a súa consolidación como servizo de apoio técnico e mellora continua do noso traballo, especialmente na xestión da crise sanitaria provocada pola COVID19 e o importante desafío que supuxo para a infancia en situación de desprotección, ofrecendo solucións tanto a nivel de cumprimento normativo como de implementación de medidas de prevención e manexo de casos e contactos.

O departamento tamén realizou outras tarefas relacionadas cos distintos servizos, como:

En relación coa Dirección da entidade: o control do cumprimento normativo da Fundación nas distintas áreas (calidade, protección de datos, prevención de riscos, normativa específica dos centros de protección, etc.), planificación de proxectos, subvencións, xestión de recursos humanos, etc.

En relación coas Casas de Familia: apoio técnico-legal no desenvolvemento dos proxectos educativos individuais dos nenos e nenas, en relación coas medidas de protección (acollementos, plans de caso, traslados, baixas...), coas situacións administrativas (tutela, garda voluntaria e garda provisional, medidas de apoio), consultas, protección parental no acceso ás novas tecnoloxías, recursos, etc.

Tamén relacionado coas Casas pero tamén co Programa de Acompañamento a Familias e co Programa Contigo, inclúense:

- Trámites relacionados cos nenos e nenas e as súas familias como a tramitación de seguros, multas, estranxeiría, etc.
- Outros trámites específicos das persoas menores non acompañadas (situacións administrativas, obtención de documentación -pasaporte, documento de identidade, autorización de residencia-, etc.).
- Apoio e asesoramento legal ás persoas ex tuteladas, na tramitación de axudas, multas, autorizacións de residencia de estranxeiros, etc.

A continuación recóllense as intervencións en relación co total de nenos e nenas acollidos en cada casa.

Recurso/ Servizo	Nº de casos	Situacións administrativas (garda-tutela)	Altas / baixas	Outras intervencións e asuntos xudiciais	Estranxeiría
Casa de Familia Faiben Vigo 1	6 de 11 (55%)	0	0	6	0
Casa de Familia Faiben Vigo 2	6 de 9 (67%)	1	1	5	0
Casa de Familia Faiben Ribeira	4 de 13 (31%)	2	2	4	0
Outros servizos (PAF, Contigo) ou centros	5	0	0	1	4
	21	3	3	16	4

Boas prácticas

A Fundación Faiben orienta a súa misión a velar polo respecto ao interese superior dos nenos e nenas en todas as accións e decisións que lles afecten, con especial atención aos Dereitos da Infancia, que inclúen:

- A non discriminación e o dereito á preservación da propia identidade, cultura, relixión, conviccións, orientación e identidade sexual ou idioma.
- A protección do dereito á vida, á supervivencia, ao desenvolvemento e á satisfacción das súas necesidades tanto materiais como emocionais e afectivas.
- A participación, coa consideración dos seus propios desexos, sentimentos e opinións.
- E a conveniencia de que a súa vida e desenvolvemento teña lugar nun entorno familiar adecuado e libre de violencia.

No desenvolvemento desa misión, Faiben aposta decididamente por unha intervención:

- Incondicional, entendida como a posta en valor de cada relación persoal coma única e valiosa.
- Vocacional ao tempo que profesional.
- E comprometida cos dereitos dos nenos e nenas.

Ademais, a entidade aposta pola mellora continua como a vía para afrontar os novos retos dunha realidade social en constante cambio a través da calidade e a formación:

Política de calidade

Na nosa preocupación por prestar os mellores servizos temos establecida unha política de calidade para as Casas de Familia, cun sistema de xestión certificado na norma ISO 9001:2015 desde o ano 2017.

Un enfoque proactivo que contribúe a sistematizar o traballo profesional e comprometido cos dereitos das nenas, nenos e adolescentes, coas familias, co persoal da entidade e co sector da protección da infancia.

Formación continua

No acompañamento de nenos, nenas e adolescentes é preciso ter en conta e atender axeitadamente as situacións de dano emocional.

Por iso, co obxectivo de axustar a capacitación do persoal educativo a esas necesidades das persoas destinatarias e aos requirimentos cambiantes do servizo, elaborouse un Plan de Formación conxunto entre dúas entidades: Sta Joaquina de Vedruna - Carmelitas e a Fundación Faiben.

O plan é o resultado da sinerxía entre dúas entidades cunha filosofía común e unha forte aposta pola colaboración. As accións desenvoltas forman parte dun plan maior, programado para un período de tres anos, e complementáanse con outras accións formativas externas, tanto presenciais como online.

As circunstancias derivadas do Covid19 e os sucesivos períodos de confinamento e restricións nos contactos persoais impediron despregar as actuacións previstas.

En consecuencia, so foi posible a organización dunha acción formativa propia: “Neurociencia e aprendizaxe baseado no xogo”, impartido pola pedagoga María Couso, na data inmediata anterior ó inicio do primeiro confinamento, o 12/03/2020.

Esta acción formativa respondeu á necesidade de mellorar as competencias e actitudes do equipo educativo para comunicar cos rapaces e rapazas das casas de familia e acompañar o seu desenvolvemento nas diferentes etapas evolutivas.

Por outra banda, facilitouse o aproveitamento de accións formativas externas, relacionadas co ámbito da protección á infancia, por medios audiovisuais.

Orixe dos recursos


O orzamento de Faiben no 2020 ascendeu á cantidade de 972.594,12 €.

O 93,60% dos fondos procederon da Xunta de Galicia, principalmente a través dos tres contratos administrativos de servizos coas nosas Casas de Familia.

Outras fontes públicas foron a Deputación de A Coruña e o Concello de Ribeira, que cofinanciaron o Programa de Acompañamento a Familias e o Programa Contigo, respectivamente.


Respecto aos ingresos privados, ademais da aportación de socios e doantes, contamos un ano máis coa colaboración da Fundación José Otero - Carmela Martínez e os ingresos da alianza coas Casas de Familia Laura Vicuña e Santa Joaquina de Vedruna para o Programa de Acompañamento a Familias.

Orixe dos fondos		
	importe	
Xunta de Galicia	910.395,17 €	93,60%
Concello de Ribeira	3.000,00 €	0,31%
Deputación de A Coruña	7.340,93 €	0,75%
Fundación José Otero - Carmela Martínez	2.500,00 €	0,26%
Convenio PAF	12.175,00 €	1,25%
Socios e doantes	37.183,02 €	3,82%
Total	972.594,12 €	




Destino dos gastos

Por programas		
	importe	
Programa Casas de Familia	802.092,60 €	87,91%
Programa de Acompañamento a Familias	30.730,68 €	3,37%
Programa de Formación a Familias	0,00 €	0,00%
Programa Contigo	18.764,99 €	2,06%
Gastos xerais	60.810,77 €	6,66%
Total	912.426,64 €	



Por categoría		
	importe	
Recursos humanos e formación	616.355,01 €	67,55%
Gastos correntes Casas de Familia	125.035,59 €	13,70%
Alugueres	29.323,84 €	3,21%
Mantemento	54.664,31 €	5,99%
Desprazamentos	7.334,96 €	0,80%
Axudas económicas	18.764,99 €	2,06%
Gastos financeiros e amortizacións	34.651,27 €	3,80%
Outros gastos	26.269,67 €	2,88%
Total	912.426,64 €	



Agradecementos

- “ Ás persoas socias, doantes e entidades colaboradoras polo seu apoio e esforzo.
- “ Aos Equipos Técnicos do Menor, centros educativos, servizos sociais, gabinetes psicolóxicos, persoal sanitario e demais axentes polo traballo conxunto na protección da infancia.
- “ Á Asociación Manaia, ás Casas de Familia Laura Vicuña e Santa Joaquina de Vedruna, Centro de psicoloxía Achega, Asociación Provivienda, Centro Cívico Cidade Vella (A Coruña), Centro Cívico A Ponte (Ourense) e demais entidades polo trabalo en rede.
- “ Ás administracións públicas (autonómica, provincial e local) que colaboran connosco pola confianza no noso traballo.

A vosa colaboración é imprescindible para seguir defendendo os dereitos da infancia.

Grazas

Cofinanciadores públicos:



Empresas e outras organizacións colaboradoras:



Entidades coas que traballamos en rede:



